

ქ. თბილისი

11.10.2022 წელი

ერთი მხრივ, პერსონალურ მონაცემთა დაცვის სამსახური (შემდგომში - „შემსყიდველი“), წარმოდგენილი სამსახურის უფროსის მოადგილის - გელა გელაშვილის სახით და მეორე მხრივ, შპს „მოდერნ-ვილა“ (შემდგომში - „მიმწოდებელი“), წარმოდგენილი დირექტორის - მალხაზ ტყემალაძის სახით, ერთად წოდებული როგორც „მხარეები“, საქართველოში მოქმედი კანონმდებლობის შესაბამისად ვდებთ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების (შესყიდვის) საგანი/ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

- 1.1 ხელშეკრულების საგანი: პერსონალურ მონაცემთა დაცვის სამსახურის მიერ საოფისე ავეჯის შესყიდვა
- 1.2 შესყიდვის საშუალება: ელექტრონული ტენდერი - SPA220002314
- 1.3 შესყიდვის ობიექტის რაოდენობა: ხელშეკრულების დანართი №1-ის შესაბამისად.
- 1.4 ხელშეკრულების საერთო ღირებულება: 4 535 (ოთხი ათას ხუთას ოცდათხუთმეტი) ლარი.
- 1.5 კლასიფიკატორის კოდი: CPV 39130000 - საოფისე ავეჯი
- 1.6 ხელშეკრულების მოქმედების ვადა: ხელშეკრულება ძალაშია ხელმოწერის დღიდან 2022 წლის 31 დეკემბრის ჩათვლით.
- 1.7 ხელშეკრულებით გათვალისწინებული მუხლები, რომელიც ეხება საგარანტიო ვადას, ძალაშია საგარანტიო ვადის გასვლამდე.

2. შესყიდვის ობიექტის მიწოდების პირობები

- 2.1 შესყიდვის ობიექტის მიწოდების ვადა: ხელშეკრულების გაფორმების დღიდან 30 (ოცდაათი) კალენდარული დღის განმავლობაში
- 2.2 შესყიდვის ობიექტის მიწოდების ადგილი: ქ. თბილისი, ნ. ვაჟა-ფშაველას ქ. N7, შემსყიდველის ადმინისტრაციული შენობა.

3. შესყიდვის ობიექტის ხარისხი და გარანტია

- 3.1 მიმწოდებელი იღებს ვალდებულებას, რომ მოწოდებული შესყიდვის ობიექტის ხარისხი უპასუხებს შემსყიდველის მოთხოვნებს.
- 3.2 შესყიდვის ობიექტის გარანტია: შესაბამისი მიღება-ჩაბარების აქტის გაფორმების დღიდან არანაკლებ 1 (ერთი) წელი.
- 3.3 საგარანტიო პერიოდში (ექსპლუატაციის პროცესში) შესყიდვის ობიექტის მიერ დეფექტის/წუნის/ხარვეზის გამოვლენის შემთხვევაში, მიმწოდებელმა საკუთარი ხარჯებით უნდა აღმოფხვრას გამოვლენილი ნებისმიერი ხარვეზი/წუნი/დეფექტი და საჭიროების შემთხვევაში უზრუნველყოს წუნდებული საქონლის შეცვლა ახლით, შემსყიდველთან შეთანხმებულ გონივრულ ვადაში, გარდა იმ შემთხვევისა, თუ ასეთი ხარვეზი გამოწვეულია მექანიკური დაზიანებით ან ბუნებრივი ცვლილებით.
- 3.4 საგარანტიო ვადაში საქონლის მიერ გამოვლენილი ხარვეზის/წუნის/დეფექტის აღმოფხვრის შემთხვევაში საქონლის ტრანსპორტირება უნდა უზრუნველყოს მიმწოდებელმა.

4. ხელშეკრულების შესრულების კონტროლი (ინსპექტირება)

- 4.1 შემსყიდველი ახორციელებს ხელშეკრულებით გათვალისწინებული პირობების შესრულების კონტროლს.
- 4.2 მიმწოდებელი ვალდებულია, საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.
- 4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

4.4 წინამდებარე ხელშეკრულების მიმწოდებლის მიერ შესრულების კონტროლს შემსყიდველის მხრიდან განახორციელებს პერსონალურ მონაცემთა დაცვის სამსახურის ადმინისტრაციული და ეკონომიკური უზრუნველყოფის დეპარტამენტის შრომის უსაფრთხოების სპეციალისტი - გიორგი დიასამიძე ან აღნიშნული დეპარტამენტის სხვა თანამშრომელი.

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმების საფუძველზე.

5.2 შემსყიდველის მხრიდან მიღება-ჩაბარების აქტის გაფორმებაზე უფლებამოსილ პირს წარმოადგენს წინამდებარე ხელშეკრულების 4.4 პუნქტში მითითებული პირი.

5.3 მიღება-ჩაბარების აქტების გაფორმების პარალელურად, მიმწოდებელი ვალდებულია, წარუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6. ანგარიშსწორება და ანგარიშსწორების ვალუტა

6.1 ანგარიშსწორება მოხდება უნაღდო ანგარიშსწორებით-ლარში.

6.2 ანგარიშსწორება განხორციელდება 2022 წლის ბიუჯეტის სახსრებით, ფაქტობრივად მოწოდებული შესყიდვის ობიექტის შესაბამისად, მიღება-ჩაბარების აქტის გაფორმებიდან და საგადასახადო დოკუმენტაციის წარმოდგენიდან 10 (ათი) სამუშაო დღის განმავლობაში

6.3 საავანსო ანგარიშსწორება არ გამოიყენება.

7. ხელშეკრულების პირობების შეუსრულებლობა (პირგასამტეხლო, ფორმა, ოდენობა და გადახდის ვადები)

7.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება პირგასამტეხლო.

7.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველი დარღვევისთვის ხელშეკრულების ღირებულების 0,02%-ის ოდენობით.

7.3 ხელშეკრულებით ნაკისრი ვალდებულებების შესრულების ვადის გადაცილებისათვის დამრღვევ მხარეს დაეკისრება პირგასამტეხლოს გადახდა ყოველ გადაგადაცილებულ დღეზე, ხელშეკრულების ღირებულების 0,02%-ის ოდენობით.

7.4 თუ ხელშეკრულების შეწყვეტა გამოწვეულია მიმწოდებლის ბრალეული ქმედებით, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით.

7.5 პირგასამტეხლოს გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

8. ხელშეკრულების შეწყვეტა

8.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

8.2 ხელშეკრულების დამდები მხარე 8.1 პუნქტით გათვალისწინებულ შემთხვევაში ვალდებულია შეატყობინოს მეორე მხარეს მიღებული გადაწყვეტილების შესახებ, მისი მიღების საფუძველი და ამოქმედების თარიღი.

8.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

8.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

8.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიწოდების ვადის, ასევე, ხელშეკრულებით ნაკისრი სხვა ვალდებულებისათვის განსაზღვრული ვად(ებ)ის 10 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

8.6 ამ მუხლის 8.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული შესყიდვის ობიექტის (გაფორმებული მიღება-ჩაბარების აქტის შესაბამისად) ღირებულება.

8.7 ხელშეკრულება შეიძლება შეწყდეს მხარეთა შეთანხმებით.

9. ფორს-მაჟორი

9.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

9.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

9.4 იმ შემთხვევაში თუ ფორს-მაჟორული გარემოებების დადგომის გამო იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

10. ხელშეკრულებაში ცვლილებების შეტანა

10.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით. მხარეთა წერილობითი შეთანხმება ხელშეკრულებაში ცვლილების შეტანის თაობაზე, ჩაითვლება ხელშეკრულების განუყოფელ ნაწილად.

11. ღირებულება

11.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

11.2 მხარეთა შეთანხმებით დასაშვებია ხელშეკრულების ღირებულების შეცვლა.

11.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

12. ურთიერთობა ხელშეკრულების დამდებ მხარეებს შორის

12.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა წარმოებდეს წერილობითი ფორმით. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება ფოსტის ან/და ელექტრონული ფოსტის მეშვეობით.

12.2 ამ მუხლის 12.1 პუნქტით მიღებული შეტყობინება ძალაში შედის ადრესატის მიერ მისი მიღების დღეს.

13. სადავო საკითხების გადაწყვეტა

13.1 ხელშეკრულების ან მასთან დაკავშირებული საკითხების ირგვლივ წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

13.2 ხელშეკრულება დადებულია საქართველოს კანონმდებლობის შესაბამისად.

14. სხვა პირობები

14.1 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.2 საკითხები, რომლებიც არ არის გათვალისწინებული აღნიშნული ხელშეკრულებით, რეგულირდება საქართველოს კანონმდებლობით.

14.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან).

15. მხარეთა რეკვიზიტები

„შემსყიდველი“

„მიმწოდებელი“

პერსონალურ მონაცემთა დაცვის სამსახური

შპს „მოდერნ ვილა“

საიდენტიფიკაციო კოდი: 206400660

საიდენტიფიკაციო კოდი: 200083257

მისამართი: ქ.თბილისი, პუშკინის ქ. №10/ვაჩნაძის

მისამართი: თბილისი, ქერჩის ქ.12

ქ. №7/თაბუკაშვილის ქ №2

საბანკო რეკვიზიტები: სს "საქართველოს ბანკი"

საბანკო რეკვიზიტები: სახელმწიფო ხაზინა

ბანკის კოდი: BAGAGE22

ბანკის კოდი: TRESGE22 ა/ა

ა/ა: GE76BG0000000495942400

GE24NB0330100200165022

ტელ: 577 77 02 17

ტელ: 2421000 ელ-ფოსტა: office@pdps.ge

ელ-ფოსტა: modernvila@gmail.com

სამსახურის უფროსის მოადგილე

შპს „მოდერნ ვილას“ დირექტორი

გელა გელაშვილი

მალხაზ ტყემალაძე

ფასების ცხრილი - დანართი N1

N	შესყიდვის ობიექტის დასახელება	მინიმალური ტექნიკური მახასიათებლები	რაოდენობა (ცალი)	ერთ. ფასი (ლარი)	საერთო ფასი (ლარი)	წარმოშობის ქვეყანა და მწარმოებელი კომპანია
1	მაგიდა	მაგიდა დამზადებული 18მმ-იანი ლამინირებული დ.ს.პ-სგან. საერთო ზომები: • სიგრძე: 1 400 მმ • სიგანე: 700 მმ • სიმაღლე: 750 მმ მაგიდის ქვედა ფასადის ზურგი/მაგიდის შუბლი/მაგიდის ქვედა გამყოფი ტიხარი: 350მმ მაგიდის ზედაპირის გასქელება: 36 მმ-იანი მაგიდის ზედაპირის გასქელების სიგანე: 3 სმ მაგიდის ზედაპირის წიბო: 1მმ-იანი პლასტიკით დაფარული იატაკის საფარის დაზიანების თავიდან ასაცილებლად, მაგიდის ფეხებს ექნებათ დამცავი სამაგრები, ე.წ. „ფეხის ქოშები“,	10	175	1750	საქართველო შპს "მოდერნ- ვილა"
2	ტუმბო	ტუმბო დამზადდება 18 მმ. ლამინირებული დ.ს.პ-სგან. საერთო ზომები: • სიგრძე: 450 მმ • სიგანე: 450 მმ • სიმაღლე: 600 მმ • ტუმბოს ბაზა (ფეხის სიგრძე) - 8 სმ ტუმბოს ფასადის წიბო: 1 მმ-იანი პლასტიკით დაფარული სახელური: ლითონის, 96 მმ სიგრძისა უჯრები: სამი თანაბარი ზომის უჯრა, რომელიც იმომრავლებს მაღალხარისხიან ტელესკოპურ სალასკებზე, უჯრის ძირი: 3მმ-იანი ლამინირებული დ.ვ.პ მექანიზმი (სალასკა): სიგრძე - 40სმ, გაშლილ მდგომარეობაში - 80სმ; სიმაღლე - 4სმ; სიგანე - 1სმ; მეტალის სისქე - 1მმ; სამ პოზიციაზე შლადი. იატაკის საფარის დაზიანების თავიდან ასაცილებლად, ტუმბოს ფეხებს ექნებათ დამცავი სამაგრები, ე.წ. „ფეხის ქოშები“.	10	185	1850	საქართველო შპს "მოდერნ- ვილა"
3	კარადა 1	კარადა დამზადდება 18 მმ. ლამინირებული დ.ს.პ-სგან, ესკიზის შესაბამისად. საერთო ზომები: • სიგრძე: 1 200 მმ • სიმაღლე: 1 900 მმ • სიგანე: 500 მმ • კარადის ბაზა (ფეხის სიგრძე): 8 სმ კარადის ფასადის წიბო: 1 მმ-იანი პლასტიკით დაფარული; კარადის ზურგი: 3მმ ლამინირებული დ.ვ.პ; სახელური: ლითონის, 96 მმ სიგრძისა; იატაკის საფარის დაზიანების თავიდან ასაცილებლად, ტუმბოს ფეხებს ექნება დამცავი სამა-გრები, ე.წ. „ფეხის ქოშები“ ; კარადა გაყოფილი იქნება ორ სექციად, 3 ღია და 2 დახურული თარო კარით. ტანსაცმლის სექციაში განთავსებულია ზედა თარო და ქრომირებული მეტალის მილით, მილტუჩით. ყველა თარო იქნება ერთი და იგივე სიმაღლის. ფერი - შემსყიდველთან შეთანხმებით.	2	360	720	საქართველო შპს "მოდერნ- ვილა"
4	კარადა 2	კარადა დამზადდება 18 მმ. ლამინირებული დ.ს.პ - სგან საერთო ზომები: • სიგრძე: 600 მმ • სიგანე: 450 მმ • სიმაღლე: 1 800 მმ • კარადის ბაზა (ფეხის სიგრძე): 8 სმ კარადის ფასადის წიბო: 1 მმ-იანი პლასტიკით დაფარული; კარადის ზურგი: 3მმ ლამინირებული დ.ვ.პ; სახელური: ლითონის, 96მმ სიგრძისა; იატაკის საფარის დაზიანების თავიდან ასაცილებლად, ტუმბოს ფეხებს ექნება დამცავი სამაგრები, ე.წ. „ფეხის ქოშები“ ; გასახდელი კარადა შედგება ზედა და ქვედა თაროებისგან, ზედა და ქვედა თაროებს შორის ტანსაცმლის საკიდის ზომა იქნება 1.10, ზედა და ქვედა თაროები იქნება ტოლი, ტანსაცმლის სექციაში განთავსებული იქნება ქრომირებული მეტალის მილი, მილტუჩი. ფერი - შემსყიდველთან შეთანხმებით.	1	215	215	საქართველო შპს "მოდერნ- ვილა"
				ჯამი:	4535	

ხელწერილი ინტერესთა კონფლიქტის არარსებობის შესახებ

წინამდებარე დოკუმენტზე ხელისმომწერი პირი ვადასტურებს, რომ სახელმწიფო შესყიდვის შესახებ N66 ხელშეკრულებაში მითითებულ მიმწოდებელთან - შპს „მოდერნ ვილასთან“ (ს/კ: 200083257) „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტში არ ვიმყოფები.

პერსონალურ მონაცემთა დაცვის სამსახურის უფროსის მოადგილე
გელა გელაშვილი